

Conseho pa no duna SAC permiso mas

Otro organizado di Carnaval 61

ORANJESTAD — Minister di Cultura Otmar Oduber ta bay duna conseho na prome minister Mike Eman pa no duna permiso na Stichting Arubaanse Carnaval (SAC) pa ta e organizado di Carnaval 61. Y tin un plan riba mesa caba pa un otro organizado di Carnaval 61.

Gruponan Uni a declara cu nan ta sostene minister Oduber den e plan pa bin cu un organisacion nobo cu lo bay ta encarga cu pone Carnaval 61 riba pia. E minister mes ta bisa cu e ta garantiza cu dia 11 di november pa 11'or di mainta tur cos lo ta cla pa ranca bay. Te hasta ya caba tin un plan riba mesa pa logra esaki na ora.

Ken lo mester tuma asiento den e organisacion nobo aki no ta dicidi ainda, pero minister Oduber ta bisa cu Departamento di Cultura, pero tambe Cuerpo Policial sigur lo ta prominente.

Ideal lo ta pa musiconan, awo activo den Asociacion Musica, tambe integra nan mes den e organisacion. Pero esaki ta algo cu lo mester discuti. Gruponan Uni mes ta bisa cu pa nan ta importante pa den situacion nobo cu ta bin nan ricibi e respet y consideracion cu nan ta bisa cu pa hopi aña nan no a haya di SAC.

Caso den corte

A puntra e mandatario si ta tuma cuenta tambe cu e posibilidad cu SAC lo entama un caso contra gobierno. "Lo crusa e brug ora yega eynan", tabata e contesta di minister Oduber, bisando cu lo warda riba decision di hues e ora ey. Si acaso hues duna SAC rason unabes cu nan hiba gobierno

corte - locual abogado di SAC Darin Crouch a priminti si no duna permiso - Gruponan Uni lo no participa den carnaval, lagando carnaval practicamente cu dos grupo den nan parada so. "Nos no kier pa esaki yega asina leu", asina por a compronde for di Gruponan Uni.

Lamenta

Den e conferencia di prensa ayera mainta trempa minister Oduber a anuncia e noti-

y considera laga un 'triumvirato' di nan mes, gruponan y gobierno organisa carnaval y bin cu un estructura nobo. E rechaso aki tin pues como consecuencia cu no tin otro

reunion aki e gruponan mes a tene un conferencia di prensa den cual nan mes a indica cu pa nan traha cu SAC no ta deseabel mas mirando cu loke SAC a ofrece nan den

bos a papia di palabracionnan cu SAC lo no a cumpli y di nan frustracion pasobra SAC lo no a tuma niun di nan sugerencianan pa mehora carnaval, ni tabatin e capacidad pa

maneha nan finanza y tampoco e eventonan drechi. Sin bay den detaye, minister Oduber te hasta a declara cu tin casonan pa loke ta uzo di placa cu no a bay bon y cu mester wordo investiga.

Pa Gruponan Uni e ultimo ofensa cu a pone nan dicidi cu no kier traha cu SAC mas tabata e debacle den adelanto pa Fakkela na unda Meta Carnival Group a duna contracto na e agrupacion Curasoleño/ Hurlandes Shermanology pa toca siendo cu tin palabracionnan bieu cu ta stipula cu no ta trece gruponan di pafo di Aruba.

Fuera di esaki a a muestra riba supuesto mal maneho di SAC pa loke ta organisacion y placa di sponsor. Como ehempel a conta con SAC a muestra di no ta na altura cu aworaki practicamente tin solamente dos grupo di carnaval di mucha.

Ademas ganadonan di eleccion di Prins cu Pancho, cu por cierto no tin un grupo di carnaval nan tras, nunca por a conta cu sosten financiero di SAC siendo cu nan ta representa carnaval di Aruba, pues SAC mes. Un plakkaat so nan ta haya y na final nan mes tin cu paga pa un plakkaat pa regala presidente di SAC, gradiciendo e pa nan participacion. □



cia di e conseho pa no duna SAC permiso mas. El a reaccionar riba e carta cu el a haya di abogado di SAC den cual ta para cu e fundacion no ta bay di acuerdo cu e proposicion di gobierno pa termina e impasse cu tin cu gruponan di carnaval.

Minister Oduber ta bisa cu e ta lamenta cu SAC a dicidi pa bay papia cu prensa y rechasa su proposicion pa laga nan directiva hala un banda

caminda pa cana cu laga e deadline di 15 di september pa yega na un decision hunto cu SAC un banda, segun minister Oduber.

Ayera tardi a reuni cu Gruponan Uni, representando 15 grupo di carnaval.

Den reunion aki e mandatario a check atrobe cu e gruponan si ainda nan ta di opinion cu no por sigui traha cu SAC, locual en berdad a resulta di ta e caso. Poco despues di e

negociacionnan. Puestonan di comisario en bes di den directiva no ta suficiente pa nan.

Malcontento pa añanan

Ambos minister Oduber - cu te edicion di aña aki tabata lider di grupo TOB - y Gruponan Uni no a sconde nan malcontento cu SAC cu segun nan a acumula durante añanan y a resulta den e conflicto cu a surgi despues di edicion 60 di aña aki. Am-